



北游漫稿中

蘇

子

好

知

大

學

有

所

不

足

矣

吳郡顧聖之季狂甫

軒轅臺洞庭君山

八月洞庭好泛舟臨丹丘爰上軒轅臺寥陽開素秋

飛龍渺無跡烏號何處求驚風振永壑颯霞結瑯樓

挂樹引芬芳松幹蟠踞此迢遙千仞峰涓涓萬頃流

曠望駐孤潔凝神暫復游飛斂酒漿盡日灑光景收

長嘯出山鬼肅然不可留

酒香山

三

四

五

六

七

八

九

十

山中有神酒飲之即長生漢武索何急曼倩良不情
竊飲無餘涓臣醉主獨醒殺之恐無驗赦之成美名
卻怪藥大夫胡不復此行

舩山晚泊

晚日破湖煙金波幾千頃一拳置中流望上見孤影
我因覓杜蘅往來泊小艇

來山道中望雲臺觀

巖上千仞嶧仙觀在天表中有白玉榭傍有青蓮沼
霄搏霍歸遲雲吠犬聲藐照日花繽紛栖霞石窈窕

惆悵馬蹄濕踟躕山磴杳安得結攀躋拾回金光草

古赤壁在監利縣白螺山

東過石頭口西對赤壁磯相去數十里顧瞻兩霏微
周郎未督戰曹公先失機長江自有所胡為就鯨鯢
一敗獨身免北兵幾人歸老死無東意焉能狹主威
至今行壘處草木無光輝

登鴨欄磯

遙登江上山為訪鴨欄跡館前考津吏自云頗記憶
忘却孫慮名能談陸遜德因感愛民者千古譽無極

志行辭賦得升天行寄提點太岳太和宮陳合氣法
師辛酉正朔試筆

玄庭駕八柱去下九萬里蒼茫疑陟階艱難可循軌
昔探皇覽篇頓省登天理軒轅握陰符乘龍絕地紀
列闕倒影涵天宮八門時顧我委形骸同人混城市
短許悔窮途長生得晚志揮手謝夷由高蹈結黃綺
風餐厭喬松雲卧藉香蔭即持廣成袖同蠲安期屨
鴉駕青煙馳鸞駟采霞駛拂霄羨迅翮躡空自逸趾
飄飄九野間升沈三垣裏太乙啟閭闔朱明出閭尾

姮娥進靈藥玉女酌仙醴轉盼流清輝顧笑開素齒
瑤臺聊振衣銀河暫滌耳遙懷玄武丘上有冥寂士
攀蘿擬丹萸擊石嘗明水道參河上公心配柱下史
混土木石居悠々龜鶴祀安得從斯人五城逾從倚
講德篇呈成憲副省伯荆南擢鎮東郡
太極肇元化先天蘊人文玄黃分有象闔闔當兩門
卓彼虞羲氏止德首兆民卦畫藏三才網緼齊化醇
炎黃奉天時鼎立憲三墳聖上相監代垂衣堯舜居
神禹後弗繼征誅革夏殷中古誕文王至德甘為臣

周公承父謨待旦何辛勤閱世得无父無位人不尊
贊易首乘龍觀魯終獲麟刪述表百王萬古昭彝倫
當時三千徒回也獨傳真閔冉稱德行日月不違仁
柴愚及參魯晚歲各見親吾道本一貫曾氏猶逡巡
思軒俱正脉希聖能自存大道多歧路恠哉莊與荀
田方既無後子巧復誰遵漢代尚經術訓詁時所珍
魚日混夜光嫫母自效顰子雲不知幾太玄徒虛陳
沉潜見叔度寧靜惟孔明吁嗟龍門賢時命何遽傾
諸庸好附會成言淆渭涇昌黎務偉才見道良未精
寂寥千餘禩下逮周張程攝齊繼升堂立言皆堅旌
慎獨致中和正叔胡忿爭元晦專揣摩俗云集大成
枝葉亦已茂糟粕空勞形子靜務實踐群醉猶獨醒
末世理無定庸儒心不平天意文未喪藉有伯安生
氣雄馳萬驥言出凌上卿孟子豈好辯賈傳寧紛更
理貴審其是不辭群議興斯人沒已久後學無儀刑
使君早叩闕自任良匪輕我來仰宮墻牙蠹復東征
峨上瞻岱宗洋上望東溟瞻望渺難及私淑無可徵
鼓枻當上流時值滄浪清浩歌不能去聊以濯我纓

楚城舊十五夜無月
東風吹雨不歸去
湘水後阻風公安
避迹成仁甫邀集別館
長風一何烈盡日飄不休
艤舟湘水湄曠望天南頭
驚濤拍斷岸崩沙遷故洲
孤城足蛙喧汙池沉置郵
居民半魚鼈十室五不周
我非忘憂者何當此潦留
長隄渺無際雜樹生悲秋
走馬誰家子揚鞭出墟丘
到來相問訊知為國士儔
邀我過東隣意氣深見投
卽非范張故雞黍胡綢繆
酌以琥珀酒盛以琉璃甌
郢歌動白雪楚舞空青樓
送旅增慷慨秋興良夷猶

密雲苦不情佳夕自優游
盡醉無終歡但令多怨尤
不知中天月清光何處流

同巴陵諸友登臨集彭子空中樓

我愛巴陵景日覽猶未足
暮臨渙者磯午陟採樵麓
山晚峰自清湘秋水仍綠
况乃德不孤徒侶供秉燭
朝來復曠望諸君逕尋逐
再遊湖上山偶經鼓更屋
屋後臺三重岑樓在人目
甫坐催壺觴盤餐厭菜肉
相逢亦何心而我值不速
賓能為楚歌轉入陽春曲
虛牕度流雲重阜振脩木
客散隨啼鳴我歸卧叢竹

明發投華容昭曉感東躡

醉盡亦華容送程子與周旋竟日朝來別去投石首

孤舟却寄見懷

霜晨發立石日夕次繡林高樹墜赤葉清江入幽陰

悲風自天來回首懷知吾行道本無意所嗟慰我深

愧乏一練酬念茲傾蓋心別來未終日憾七良不禁

日月難再至海天寧久湛馮夷逐東渤義和馭西岑

會面不可常何時開素襟願言駕羽翮千里謀盍簪

襄陽歌奉東劉廉使黃龔二憲副成少叅

劉公廷誥任四川黃公宗器鎮荊州

龔公秉德鎮襄陽成公子學督大岳

時傾蓋

襄陽城上一片月襄陽城邊秋水闊旅人漂泊泊江之

濱取酒直將寶刀脫涼夜女郎連袂行大隄露冷侵

羅襪雲鬢宮樣競楚妝月色滿地如秋霜三上兩上

自成隊凌波儼似湘妃態新聲宛轉白銅鞮往事妻

京青玉珮此時襄陽秋正好青天無雲山月小樽前

有酒須自傾百歲光陰露頭草山公曠達不復陳習

氏豪華寧足道五侯七貴俱浪傳古來多少上留田
丈夫適意行樂耳此生此夜空自憐杯乾興盡美人
去隔花笑語何處所陰風忽起呼雁臺明月欲沉斷
蛟渚我醉直疑自上天醒來猶在人情裏劉使君黃
開府荆梁自古為唇齒成侯保障依天柱龔尉軍容
控漢水予也東西南北人虎頭之裔奚所恃群公俱
為長者禱得與豎儒相抗禮昨聞東吳警烽火兵屯
淮泗數百壘中原多事蒼生憂群公何以報天子天
之高日之午一代勳名豈偶爾鳳皇神雀終騫騰青

雲之路吾已矣

兩河民謠奉送開府中丞章公巡撫中原

三晉公名喚字懋實時鎮鄆陽亦不

中原之路人難行中原之政久不平豈無坦塗與陌
吏風俗愈下荆棘生陳留世祿五千室成周頑民三
百丁商賈日中罷交易征輸眼下誰留停况復豪強
假威勢民間半是人為厲君不見湖陽家奴盡殺人
君不見黃門舍弟恣貪戾事竣還登公主車計窮且
匿宦官柱下無董宣之輩宰雒陽上無李膺之黨拜

司隸先王典禮已不遵滿道豺狼互吞噬赤子謀生
竄遠方類垣到處增悲涼賈傅有才倍痛哭吳公無
策歸逋亡昨見君侯鎮漢沔勞心殫力古來鮮已無
故吏稱二天即有穹碑峙三峴中原父老望應遠千
里嚴程休急緩好為黔黎解倒懸莫教草莽猶扼腕
只今用武歲不虛千瘡百孔將何如兩河元是地中
極三晉舊為天下樞言亦不可盡事亦不可虞月色
滿江發孤擢青山兩岫秋糝糊

高陽池歌留別陳節推子序

君不見高陽城南一池水涓上晝夜流不已當時光
武封習侯曾來池上競奢侈流蘇步帳圍春風美人
歌舞千花紅東林月上玉山倒明日還思今日好池
邊花落人代非臺榭空餘長青草一年一年花自開
前人不見後人來劉曹轉眼禪司馬卻值山公啣酒
杯襄陽政事不用管日日來傾三伯擬從前只說習
家池那知又作高陽館我聞高陽之名遊漢川蕭然
一身誰更憐盡地自置酒危後捫風空居豪貴前陳
侯有才擬七步在郡不稱杜武庫興來忘却簿書勞

幾度向人索詞賦我本無心調郢歌世情翻覆將如
何君不見昨日襄陽新太守昔誇絕代埋輪手到官
三月下廷尉繡斧聲名復何有萬事悲涼不足論別
君且醉習池酒南齊曰日來則三尚書前又爲
簡入下述懷引晉別龔性之秉德
我本吳諸生三十厭儒術嘗從祖道遊自桑班起筆
悲歌燕市逢謝鯤謂茂秦先後相將過趙門三載交
情昭肝膽平生意氣輕崑崙春來抱瑟辭鄴去馬前
問我向何處行李匆忙并復陳一鞭遙指天南樹寄

聲江上龔水衡往年帝里曾要盟路出襄陽勉投刺
潭上開府清于冰君侯友道駕前昔軒冕下堂侯綈
掖自焚狂夫略禮容不知長者捐陸赫傾蓋相逢况
異御中心耿上應難忘論文未厭日云暮當酒寧辭
夜已夾問君家在濮之滸東走三齊南向魯已聞孟
嘗賢一方亦有周公邁千古髮可握哺可吐四海英
雄在網罟豈無朱履三千人狗盜雞鳴何足教大夫
立志終不移他日報恩人莫知君不見千金淮上謝
漂母猶是當年跨下兒接君帶感君義愛君金知君

心楚山亦何長漢水亦何深片帆東望海門去白雲
茫茫無處尋山曰燕思入真味或不具千金珠玉
紙背歸雪後自襄陽兼程入潁川次僧舍適當除夕
嘗買一中執法院公見過乃饋酒肴十有二品香楮
身曰夫五事得祀祖道享餽至醉走筆報之曰願
吳嶽中必公名以平字守衡未報曰公暮當回筆
中原歲暮雪三尺千里驅馳至陽翟閭閻為市當日
中又向他鄉過除夕尋僧蕭寺方解鞍即有軒車出
紫陌蒼頭驚報長者來云是中丞下狂客相逢一笑

勢分忘駕言日月久拋擲松陰滿地塵慮清不記長
途善行役軒車方去復叩門廩入庖人爭辟易須臾
犬室陳糝俎醴肴寒柿菜菽麥多儀已見慰寂寥况
有香燈楮一腋忙犇教載伏獵疎處翁為我加紬繡
吾聞黃帝支子曰祖道生平好遊適山島萬里無勞
問險夷百年未足計衰老既降斯人即有吾取翁之
俎夜請禱男兒出門天地寬得意失意焉能保但願
東風夜半來却原紅紫春色好鶴鷺時披山外雲馬
蹄遍踏天涯草神來蒲路鬱金香神去蒼茫星斗黃

吁童斟酒割餘餒高歌獨酌守夜央爛醉欲眠心尚
醒多翁高誼何能忘燈前拂劍轉鴻悒相見雖遲去
仍急我當此夕誠孤另翁到明朝是七十年華消息
蕩遊波義和八駿追不及前月聞翁已生子堂上今
猶挂孤矢仁人有後始足徵藍田美玉非偶爾四海
快游今餘幾我亦辭翁渡潁水監門老子應在梁屠
狗匹夫尚留軟孰謂瓊瑤即桃李孰謂一生即萬死
千金重諾見肝膽秋毫泰山奚彼此只今更有巢松
人我欲報思翁不喜白雲飛盡箕山青莫向潁水上

疏洗翁耳

東坡先生冬夜同謝山人朱大叅集范方伯省中

范公名欽字堯卿時轉汀贛開府中丞次

日就道朱公名衡字士南時亦轉山東

廉使

黃河夜來冰欲凝夷門客子懷韓陵薇省經冬見黃
菊華堂入夜燒高燈人生百年在適意窮達論交亦
何避布衣猶見魯仲連公子皆知魏無忌美酒千鍾
飲不休悠然魚水情相投片言竟失五侯貴一醉還

消終古愁莫謂浮雲多變態此生此夜不可再梁王
舊苑花已空隋帝行宮柳仍在范使君朱夫子今日
相逢非偶爾不說三齊稱小康行看百越靖多壘謝
榛同我鄴都去南北睽違從此始技劍一舞荒雞鳴
五夜蒼茫太白起

檀溪歌留別汪太守

汪公名道昆字伯玉

東都氣教猶未終獻帝尚居長樂宮諸將紛紜各為
主列侯睚眦難相容當時景升名最懋虎踞荊州習

攻闢主人偏愛大兕耳帳下多防帝室曹襄陽會上
擊鼓聲一鞭躍過千尋溪豪傑功名為雞口帝王天
命懸馬蹄即從鬪分人代改檀溪水竭供樵採太守
張筵北郭樓行人吊古四郊壘雁來八月多黃塵客
久裘單何可陳別君上馬向燕薊正值西風愁殺人
生乎好遊覽尋山千萬重遙瞻武當軸欲投天柱峯
天柱峯懸三天上排空一萬八千丈層雲擁就青芙
蓉脊嶠散成錦步帳五龍繚繞五城頭紫霄秀出十

二樓五女乘鸞下丹丘仙童鼓瑟鳴笙篔簹鑄雜奏
宵不收南嶽明月幻飛鏡絕壑歸雲疑水流黃金殿
前御天一白玉臺上驂冕旒我欲攀躋瞰八表周遭
瀛海浮神州手摩女媧五色石俯窺培塿為不周崑
崙萬里在指顧蓬萊三山即舉步銀河倒影東復西
二十八宿如奕布秦虜雄談并復陳屈原窮問空成
賦何如到此舒孤憤仰叩九閩朝陞訃九閩行盡瞻
帝京深沉魏闕無人行帝傍左右嚴呵禁麟牙鳳啄
何猗猗登天有路須人引青羊澗邊問關尹願得齋

公縮地符寧愁天步無窮盡
武當山中逢趙人返國走筆寄上
大王殿
兼訊鄭若庸謝榛兩生
十其東山更自備
歲晚渡衛水春朝過雍丘桃花迷赤縣楊柳暗青樓
許由之溪不容釣嚴陵之洞良可游在南
召乘浮舟
水入於漢楚山微茫開兩岸襄陽忽遇高陽徒
謂汪伯玉何當共醉習家館天涯浪跡成蹉跎不知春去
秋復半昨日策馬走武當晴空幻出金銀光天邊鸞
鷲御玄武雲裏麒麟驂紫陽十二樓高碧霞上五城

縹緲圍天堂中土神仙宅南州帝子御氤氳開電幟
恍惚舞霓裳復道黃金砌層臺白玉妝只疑世上歲
改况是山中日月長下方來者似相識紛上向我訊
棲息門臨碧落即三垣衣護采雲常五色欲鼓不周
風飄然乘八翼今日偶逢閭闔闔明朝誰到邯鄲國
傳書為我報君王肝膽久向叢臺側年來亦有三千
客坐中誰者能完壁谷口曾聞鄭子真東山更有謝
安石我欲追隨重戎裾那堪少壯易拋擲歌亦未足
為之歡吁亦未足為之戚秋色滿天孤日明空山何

處吹長笛

荆州散寄上清微忠教真人遼王別封

荆州地勢當上游勝跡終古名不收落日猶照屈原
渡春風復吹玉餐樓昔賢埋沒不復顧獨令人代重
詞賦聖朝建國非偶然帝子憐才亦疇素楚童高歌
明月中行吟馭背投雪宮天潢帝曹人入識闈苑蓬
壺處上逢荆州此日春將至放歌白雪亦常事宮前
落梅休掃除留待狂奴雪中醉

春到湘雪後過陽翟留別鄭太康王殿下三日雪

春陵昨夜風如箭馬蹄踏破雪花片何當三日雪更
稠對面行人若不見江南地暖裘頗單千里驅馳不
耐寒氣高自信出門好客久方知行路難釣臺帝子
坐重褥開軒擬調陽春曲西望崧山凌碧空分明地
擁千尋玉此時倦客雪裏來停驂投刺朱門開升堂
未暇問行李入室爭先酬酒括漢家同姓說梁孝當
時七國那堪較不因富貴獨稱雄亦有鄒枚常應教
我去梁園雪正晴道人先道君王名男兒一諾照肝
膽穎水東頭三尺冰

得來題張路埽雪煎茶圖應開府中丞劉公命
一
公名學易字道甫時鎮鄖陽
楚山十月涼氣蚤詞客遠來依劉表統域落木聲最
悲千里寒江去何處亦知投刺誠荒唐頓勞倒屣迎
下堂登樓有賦懷鄉國開府餘威肅曉霜壁間有圖
命我顧解毫羊采識張路端居學士似多情替五美
人如欲訴女奴埽來六出花鎗中煎得盧家茶清高
肯與武夫競醉飽難為文苑誇我思朝對萬山雪客
聽冰冷向誰說孤窮原為好名多麤糲堪膏謀計拙

明公有志懲奢淫退食臨圖時一吟不因曠達偏晉
意臺省即為坐右箴
賦得越王臺送李憲副之荆江
會稽山邊勾踐臺千年名在空草萊海氣蒼茫怒潮
入霸圖消歇浮雲開憶昔吳成越為虜十年休息教
民武鳥啄君王時卧薪鴟皮老子自擊鼓秦餘杭下
獨功收姑胥竟與麋鹿蔣英主稱疆會上國謀臣得
計乘扁舟邇來何意島夷蕞寰海分兵亘百越漢文

用意思名臣山甫留心議薄代昨見巡行麋子城即
看受命驅長鯨天連銀海暮催戰月落錢塘朝洗
兵山東自古誇出相運籌決勝何多讓功成便作陶
朱公獨留芳譽越臺上

中散送柳憲臺還鄞
吳客歌子夜款乃一聲淚欲下鄞人調陽春官羽中
節聽者頻夜來學調鄞中曲聲入高雲無人續陽春
開遍千樹梅白玉妝成萬山玉東皇太乙為我迎大
少司命擁霓旌湘夫人兮鼓瑟雲中君兮奏笙轉清

商兮山鬼嘯更繁微兮河伯鳴或解贈兮玉珮亦采
酬杜蘅何頃刻之不見獨惆悵而心驚綠水蕩漾澄
如鏡碧天橫掃采雲淨十二樓中空明月三千里外
偏豪興楚王夢覺神女歸宋玉多才賦已非洞庭道
傍大橘柚卻傳柳毅招靈妃使君曉發鄖山路星軺
遙望鄖中樹刷馬池邊水欲凝放鷹臺上歲云暮此
時白雪似覺逢陽春將到應滿隄乘春欲來歌鄖調
須及雪消未盡時

君山夜游寄大中丞李公

公名憲鄉字廉夫

洞庭八月秋水寬平湖一片如浮盤晴空影落琉璃
碧紅日光搖琥珀寒此時乘舟便鼓柁風清不興夜
澄霄御月清虛鋪水銀君山翠黛浮螺髻月下長吟
秋水篇名山頃刻在眼前鄭玄有意珮環贈柳毅無
心書可傳山靜水平天浩上彩雲照上下瑤島恍疑
袞似色新收更比西施眉淡掃酒香山上空酒卮猶
似藥已收去時軒皇臺迴鶴歸晚湘女廟荒鴻過遲
蒼梧天遠不知處九疑照面增猶豫側身天地興何

長終古山川流不去瑤階寒露白玉光
忽憶人龍李伯陽
巨川有待作舟楫
三殿還期架棟梁
方今時事苦多役
率土王臣寧自惜
唐堯垂拱安茅茨
伯益賢勞掌山澤
西北天傾須補完
功成便駕青牛軒
我欲茲山起丹室
何年蹠錄五千言
短歌行送虞叔度游越
虞卿為我短歌行
酒聲最哀我亦知
爾中心鬱上顏不開少壯蹉跎不再得
千金散去何時來
請君袖劍傾此括如君材藝滿人口
劍光熒々照南斗
堯舜何

堪驅一羊孔丘真是喪家狗
豪傑教奇空犇走天地於今苦厭文豺狼
吳越猶繽紛伍胥潮怒撼山岳
句踐臺高凌暮雲
古來秀才亦從軍
大纛招賢君不聞功名到手莫相顧
須臾西江白日暮
洞庭湖上一片月
權歌終夜聲不歇
客子遨遊過岳陽
括浮水面琉璃光
十年天地選奇勝
寧知行樂本前定
細纜牽人千里心
扁舟老我五湖興
湘水南來秋最清
水中月影如月明
我亦叩舷歌白苧
湖濱卻

有同心侶楚歌清徹不忍聞月下飛來五采雲波紋
似篆屈平賦雲彩疑拖湘女裙披雲同上君山廟河
伯應門山鬼嘯腰橫長劍作悲鳴髮擁綸巾相照耀
丈夫得志預少年歲月蹉跎空自憐君不見長沙賈
太傅君不見東山李輔仙文章能動萬乘主意氣還
如駟馬鞭天教流落甘老死笑殺傍人辨朱紫江風
飄然不可留我欲掛席天南頭待君他日展懷抱湖
上重歌明月秋

湘隄曲晉別李氏昆季伯行幼誠

李家兄弟興亦奇築室正當湘水湄前有九江後有
陂翠微疊上山逶迤堂中不延輕薄兒賓朋俱可為
人師兄弟孝友仍同居我因來秋遊九疑月明偶到
巴丘隄天涯傾蓋如故知登高臨流皆賦詩美酒頻
招不可辭交情日來恒若斯歲晚江干難久羈扁舟
西泊高陽池結客出祖歌紫芝憂心何當遠別離捧
觴無言內傷悲黃鵠高舉胡太遲塞鴻亦有南來時
鷓鴣每懷棲一枝焉得投老長相隨醉中莫問他日
期孤雲縹緲從風吹

陳休雲將過華容訪孫必繁適必繁有江夏之行遂
歸歸於郊中其辭曰
章華臺邊過孫楚行李匆忙暫相阻我欲結社立石
岑君今聚糧何處所曾傳郢客歌陽春移商換羽無
比倫江上相看愧難和天涯同調知幾人自嫌千里
來何晚執手那堪遠復遠徽之有興尋戴逵尼父無
心見程本予向峨嶓白雪深君投江夏只孤吟他時
若見青天月應照相思一片心
李端已過蒲圻逢葉明府雲卿

落日欲下山氣紫天涯策馬急於駛自分征人困蒺
藜何當茂宰同桑梓平生落魄迷問津入門長揖情
自真但與主人作吳語不知侍者為楚民訟庭無人
空紫犢晉客日來問館穀虞子瑟聲散市廛潘郎花
樹彌山谷似君清修時不多十年宦跡成蹉跎莫嫌
一命滯千室社稷民人柰爾何

雪中對梅酌酒散并序

辛酉月晦聖之客遠邸中夜雷電大作拊
曙雪深三尺端居苦寒忽聞王召乃趨

命王居離宮上後有老梅樹花滿故枝
王與山人宋登春先在樹下王坐小榻以
氈蒙雪班客坐命童子觴之童子捧觴仰
一命王酌以麻姑泉酒摘花為薦王曰顧飲
謝爾山谷斯宋飲斯王取一觴自飲之酒三行聖之
聖者詩晉作歌曰
兔園探景兮忽驚後時庭有嘉卉兮還榮故枝落梅
宜晚兮飄白何遲隨風香度兮點地難窺從王雪
宮兮授王酒卮今日何日兮有人詠斯

登春賡歌曰

何羲和兮改錯日御炎兮立冬攝孟取兮降滕六嚴
飛廉兮從豐隆糜璫屑兮郢甸平祗何為兮思憮
投桂樹兮淹晉聊騁望兮焉窮寒梅萼兮鶴渚擊瑤
華兮雪宮酌玉醴兮嬉子綏節歌兮已童
上藥康集嘉福兮為民正
王亦歌曰
若雪之潔兮若梅之馨兮若人之清兮吾將入于醉
御兮

歌竟乃起不謝而出

同通山王孫華階晉之暨諸公子登黃鶴山

王通明閣燕集

傑閣臨重嶽虛牕入大觀千山橫晚翠一水汎秋瀾

玉笛梅花早金栝竹葉寒王孫多愛客珍品出盤殮

其二

叢桂黃金粟双池碧玉泉樓臺饒氣聚明華有詩篇

塞雁迷深浦江帆落遠天莫嫌歸路晚好景夕陽邊

送武昌金少府歸惠山

五載參繁邑賢勞厭簿書伏波難却謗即墨竟誰譽
性僻梁溪水官嫌鄂渚魚西風歸櫂急行矣莫踟躕

送曾都閩信之赴西陽軍門

督府檄南征龍標遠樹旌軍容先鬼卜民事重刀耕

雪變酉山色水添辰水聲亦知銅柱在莫負舊時銘

馬希範立銅柱李羣為銘

王子山中訪魏郎中順甫得山字

幾年音問阻重關匹馬蕭條走萬山遠道未經開笑

口入門先已破愁顏寒蛩繞戶愁聲急霜葉當牕夜

影殷沈約病淹還有賦月明偏喜客投閒

樂平音附順甫作西

風塵裘馬鬣毛班把酒相逢落木間綠綺愁時多古

調黃花病後駐芳顏兵戈不厭攀稽遠詞賦應同訪

戴還長嘯竹林秋月夜白雲寒色滿關山

晉阮瞻九日同魏順甫七人自雋水泛舟三十里暮

登雪峰寺三首

行盡清溪復上山深林不斷共躋攀舟疑漁父晚迷

路驕即秦賢夜過關玉女樓開明月裏金仙磬響白

雲間老僧為客酬佳節采得黃花半夜還

其右得山字

其右得山字

落日空山人跡稀共期昏黑到禪扉客前月色浮蒼

樹雲裏鍾聲度翠微撫景謾疑風落帽悲秋應惜露

沾衣明朝又作天涯客相對清樽興莫違

右得稀字

其三

佳節登臨住雪峯遙看絕頂碧巖崑未眠欲候海東

日來醉聊吟石上松萬壑低連蒼霧迴千山橫度白
雲重葛洪化去仙壇在行盡丹梯愧不逢

右得峰字

馬王頻年望雪山高秋拄杖夕陽間樽前縹緲孤雲
度鳴外陰晴列嶂環野曠千家懸樹杪天迴一水抱
村灣桃源不信迷歸路直北遙知是漢關

其二

招提遙指白雲飛詞客登臨醉不歸杖倚諸天非浪
迹歌傳併日自忘機簾前秋色餘芳草檻外鶉聲送
夕暉戎馬側身還四望關山搖落故人稀

其三

今節登高倚萬峯蒨天秋色淨芙蓉霜寒不見雲中
雁夜半猶聞杖底鍾千古才名誰戲馬三關羽檄尚
盧龍漢臣此夕偏承寵醉捧茱萸下九重

舟次巴陵晚過回山亭登眺

江上飛蓬日幾程天風吹過岳陽城十年秋興三杯
爨千里晴光一鑑平遠海鶴歸松月起鴈湖龍去洞

雲橫仙蹤寥廓孤亭在時復滄洲笛兩聲
五十年靈鷲寺晚起登鳳皇山下觀音禪院與三不

客有仙人石壑有白龍池麓有烏燕洞

山磴曉寒秋露濃躡雲雙屐行有從仙嶠斜懸一片
石僧房靜掩千株松烏衣掠霧洞迷燕白甲搖波池
伏龍坐來日高嵐氣薄凌虛萬朶青芙蓉時與王元
相分得龍字

曉過大岳九渡澗望三天門入

重岡石轉聽鳴泉天岳嵯峨霄漢遶澗下石溪分九

渡門前日觀接三天壑雲曉重寒凝雪山氣秋陰濕
作煙為問蓬萊何處是還于此學神仙也

紫霄宮

金紫嶙峋儼帝居玉階千磴步徐上劍開九渡通銀
漢旗展孤峰棹碧虛禹跡池深秋水漲仙闕門敞落
霞餘天孫更在神霄上我獨攀雲愧不知

南嶽靈坐

霜下二更嵐氣清懸崖照月何分明半空老雀忽双
去深鳴怪猿時一聲洞雲欲起峭壁冷天風乍來長

松鳴凌虛坐久蒺孤嘯寶劍錯落搖光橫
孤峰路盡五城頭八極平看壯遠游日轉崑崙三界
溟月生滄海萬山秋疎林星動疑天近絕壑雲歸覺
地浮我欲長歌彈寶劍帝閣迢迢使人愁
雲梯百二接瑤京細草金光幾處明洞起黃龍山雨
過岳躡黑虎谷風生碧峰萬丈當門合丹壑千回繞
殿橫極目中天雙闕迴猶聞霄漢步虛聲

天此為玉虛宮晚望
玄都清曉樹蒼蒼馳道深沉儼帝鄉金水斷冰浮碧
落瑤臺餘雪候青陽萬山南徼風雲壯雙闕中天日
月長殿上靈光時五色不知霄漢下虛皇
榜人挂席五更前風靜偏宜駕小船細浪碧搖千片
月孤峰青抹一痕天賓鴻影出瑤臺上仙犬聲迷玉
洞邊拊曙到門僧不見雲林秋爽正高眠

湘妃廟

湘君臺殿迴煙蘿萬頃琉璃破權歌青草帆低秋水
闊蒼梧人遠暮雲多乾坤老大餘孤嶼日月消沉總
逝波欲駕長風垂八翼九關無路復嗟蛇
新入卦晚過僧房訪宋山人應元
郢雪深三尺君從何處來海天寒雁滅江月夜烏衰
淪落登樓賦飄零騎馬才論心傾蓋晚欲去一登臺
卷雜聖附應元作
永落荆門晚風寒芳歲徂且隨梁苑客好著羽陵書
天地終懷玉江山未卜居何時結蘿薜同釣漢川魚

送朝歌宰入覲

傾蓋朝歌邑君當北
覲晨凍雲低去馬飛雪慘離

人卓魯名元著巢由意自真春來定相憶燕市柳條

新

九月望夜魏順甫出山同黃元相見過蕭寺
中便步北浮遙石氏伯仲留集月下賦得人

秋月今宵菊追隨楚水濱偶來成四美不速已三人
曲度墳麓夜杯傳麪未春歸期還滯我不記故鄉尊

雪峰寺下禪院留別魏順甫二首
登臨還惜別樽酒共山牕
客思來吳月鄉心接楚江
君才麟閣魏吾志鹿門龐
賦就看天末妻其雁影雙

右得江字

其二

勝歌停竹院欬去杯傾不盡
山川興平添風雨聲
瞻言惟季耳思報歲張衡
別後還相念及魚似有情

右得衡字

附順甫贈

尋幽還雪嶺乘興倒秋缸
望遠疑無樹登高忽有江
疎燈燃夜雨一榻下寒牕
龍劍明朝別中天紫氣及

其二

兵甲滿天地憐君復遠征
已傳招隱賦獨有倦遊情
貧自甘原憲名非近
禰衡離筵一樽酒風雨颯秋聲

身帶下曉過遇真宮題陳提點方丈

山靜清鍾遠輕雲繞客衣
衝寒風色重拼曙月光微
寶殿松煙合瑤階蘚露晞
虛堂坐來久林外鳥初飛

過元和觀

攀檻上層梯山深日影低路從樹杪過鳥下雲中啼
風葉赤連隔霜花黃滿溪欲尋仙跡去幽徑使人迷
山清寺君山寺五夜走月樹裏風色重林間月大
良宵不成寐杖策步珠林舟楫聽鐘響魚龍候梵音
平湖涼浸月清露濕沾衫乘興江關上相將客子心
安甲第洞庭君主廟傳為吳門柳毅如問首寺
水面足風波輕舟無渡河叢祠終古在請禱昨宵過
極目增遐想多愁幾短歌十年鄉國夢歸路幾蹉蛇
奉送李君山寺五夜泛月還岳陽無樹登高思首

五夜風波靜披襟下翠微舟擬天上去人似夢中歸
東土清鍾蚤西方梵宇遠勞歌向明月幾見釣魚磯
遊遊詩十月朔與李伯行洪樂卿虞叔度集洪明瑞
宅後山亭

秋來晴霽好此日獨細繡關徑因看菊登臺總論之
晚過天岳雨寒逼洞庭雲乘醉舒遐眺巴丘暗不分
宵赴夜雨同吳允升集徐叔明郡齋
送旅同桑梓清魚結客過戶高寒氣定庭靜雨聲多
秋露來吳醞陽春候郢歌壁間孤榻在不問夜如何

蘇東坡附叔明作新晴
冬無雨雪茲夕下天風
小榻初寒入深杯發興同
奇遊來楚澤秀句出飄蓬
就燭看吾驚人今擬醉翁
如畫云云歐陽永叔守滌
之時年三十有九與叔明
并來前歲故云

登岳陽樓

壯遊窮七澤俯檻意俱馳
水濶歸帆遠天空去雁遲
樓開三楚觀山抱二妃祠
衝浪江村動流雲島嶼移
乾坤凝望眼日月寄遐思
即擬登舟櫂乘風證九疑

過巴陵晉別劉孝廉

自得柔蓬志狂遊廿載聞才非
張儉客豈仲宣群
却慮書籤併逃名賦草焚亦知分
鹿馬終耻別蘅薰
長嘯青山隔高歌白雲紛
曉辭湘浦樹暮入楚江濱
臺掛草華月樓底庾信雲
忘机惟顧凱失意見劉蕡
時也還歸隱天乎未表文
一樽聊倚擢何日更逢君

趙王賜宴聯句

鄴下墮星集趙王漳南佳氣多
鄒倫八公非我事吳
木七子復誰過鄭若庸夜月鳴絲管
顧聖之秋花照

綺羅謝榛登臺時一望趙延禧御思渺闕河方浩
嶺下天寧寺值雪謝茂秦見過聯句公非
送旅多風雪顧驚心歲欲殘來同長康醉謝坐與惠
連看色界天花遍顧空門祇樹寒無勞遠乘興謝鍾
鼓坐更闌顧
身爾青陳子序招集襄陽北門樓和韻
高樓臨漢水共許晚風清是夕立秋望歲君侯事時
值亢旱傷秋客子情歸雲低隴樹返照逼江城獨愧
巴人調難賡白雪聲

附汪伯玉首唱

樽酒江樓暮秋風漢水清倦遊驚歲序深酌見交情
落日千家郭高雲百雉城大隄有遊女遠聽踏歌聲
或如畫初入楚鄉望鹿門山
路出南陽即楚壠馬前秋色照高春道存沮溺悲哀
鳳時值桓靈起卧龍一水上遊分隴蜀萬山西去接
巴邛鹿門灘畔多田畝遮莫扶犁學老農

雪中泛舟下襄陽懷謝茂秦
十年消息總虛舟紅葉青山展素秋雨雪兼天貂褐

冷江湖滿地鷓鴣冠
愁中朝尚憶徵黃憲
盛世徒聞傲許由
海內交遊頻入夢
風前涕淚不勝流

不識當年孫仲謀
叢祠江上已千秋
登臺一望天風起
吹盡黃雲下石頭

山色蒼茫去雁遲
武侯臺上讀殘碑
秋高盡日東風烈
猶似孫曹對壘時

琴天月君山夜遊四首
誰將拳石砥中流
萬頃玻璃翠黛浮
我欲東山捉明月
橫拖白練照高秋

去天野其二
萬里湖天夜不分
瀟湘何處雁初聞
軒皇寶鏡飛明月
玉女羅裳散采雲

賦賸有孤魂不敢招
秋月初懸照寂寥
湘雲飛盡美人遙
幽懷欲撥沉江

不見湘雲思渺然
欲舒清嘯夜無眠
一聲鶯起松間
鶴飛破蒼梧萬里天

同李負之泛舟洞庭五首

一片倦帆出遠汀
蒹葭船簫鼓隔江聲
乘風便欲籠門
去况復同遊是李膺

白對并又

日斜何處吊湘君
碧浪浮空遠不分
湖上停橈聊鼓瑟
天風吹落洞庭雲

白對并又

一望天南日影重
清樽江浦覓仙蹤
雲連夢澤三千里
水拍君山十二峯

白對并又

扁舟同泛謫仙才
萬頃平湖掌上開
記得昔人乘鶴去
不知何處是蓬萊

白對并又

巴陵城西雲日黃
洞庭湖上風作狂
數聲何處寄書雁
喚醒醉人思故鄉

岳陽樓四首

巴陵城邊杜若香
岳陽樓上秋月光
放歌聲逐塞鴻
去湘雲不斷南天長

岳陽樓四首

樓上空傳李白詩
樓前還似夜遊時
凭欄一笑看天
末獨鶴飛來月上邊

岳陽樓四首

月明波渚廣樓閒
乘鶴仙人去復還
玉宇綳簾浮夢
澤銀盤螺髻是君山

岳陽樓四首

彩雲飛盡夜如何
瑪瑙光搖萬頃波
自信玉樓浮碧
落不知天上是銀河

岳陽樓四首

蓋樓過潁川見故徽國宮人麗晚翠
粉黛凋殘重所思
人前猶唱舊宮詞
後庭玉樹無消息
賜斷君王教柘枝

岳陽樓四首

雨過清明春色闌
不庭閒坐怯宵寒
梨花落盡無人
見獨抱瑩簾向月彈

見張六見冉十索贈

冉十娘家月滿臺門前忽報故人來相逢不道張公
子錯認蓮花夜裏開

見謝尚見楊鳳樓問張六無恙有贈

燕子來時郎未還鳳皇飛彩樓間道君說起張京北
羞對菱花盡遠山

暮不吟夷門逢鄒子序聽蔡瓊琵琶二首

梁園雪盡見鄒陽夜聽琵琶閣羽觴自是文姬歸萬
里胡笳一曲斷人腸

雲雨難其二亦入風前舞

靜聽霓裳出廣寒碧天如洗露華溥一聲裂帛傾八
國翻憶昭君馬上彈

五工下莫子愚樓上戲贈趙小喬二首
掌上纖腰楊柳春共憐飛燕是前身莫教漢主傳名
姓花落深宮愁殺人

聽簾捲春風獨倚樓

銅雀臺邊水急流魏王宮裏月如鉤歌殘子夜無人
聽簾捲春風獨倚樓

鄭東表四際贈八哥

解道數年前予客京師時有楚人道其名
鶴鶴聲殘日影高青樓姝子醉葡萄莫教一夜春歸
去月冷重門鎖碧桃

漢江逢康少玉贈二首

江上行來窈窕娘彩雲低度繡羅裳
回頭笑問家何處暗燕挑花過短牆

其二

雲作鮫綃玉作人風前楊柳不勝春
浮生未聽霓裳

曲錯向人間問太真

寄謝山人榛二首

平原未捐館門客日擾七却怪魯仲連
不安又晉趙其二

天道畜身後人情俱眼前青山徧寰宇
君今何處邊

其二送真定宋山人登春四首

頻歲敬白雪送君得同調此日違知音
停杯羨孤嘯

其二

而我若雲鴻無心忽遭遇春和鴻自歸
天空雲無住

西亦言其三無以感靈靈春味然自報天竺雲無封
曾聞魯句踐擊奕凌荆郢卻不談劍術竟誤田先生

楚江有芳蓀采七贈遠遊郎與漁父隱不與懷王謀

元盛番良野入靜野朝前青山幽翠宇古今何處

平泉未醉歸陳客日對日味到曾中率下安人晉

北遊漫稿中終天真

北遊漫稿下

句吳顧聖之聖少甫

日莫西風吹曠野我來惆悵叢溼下古人不見空河

山登眺那堪獨駐馬昔時愛客稱平原高堂斷食筮

歌繁一朝長平將為虜四郊盡墜秦王猶坐中朱履

羅三千伏策排難誰能前焉知末席有毛遂合從直

與荆楚連安平降趙白起死嶠函關復幾年英雄

去後入更改趙家亭館迷荒烟只今四海承平日不

用縱衡學劍，猗沙小寧。思定遠，侯嗟蛇。欲棄班超筆。
我生家在闔閭城前，與朱張稱巨室。由來然諾重，丘
山不羨黃金百萬。謚出門一笑，即千里天畔。浮雲逐
行子，往歲薄遊燕市。中經秋混迹，夷門裏。風塵滿眼，
誰憐才匠。馬蕭蕭，渡淇水。西河更有魏文侯，延攬况
多。天下士曳裾，終日徒紛。上白首，酬恩竟誰是。茫茫
歧路從茲去，丈夫意氣殊無已。崑崙日轉扶桑東，吳
歌不盡天風起。

此並要勸許趙州克之夜集望漢臺

吳客走馬投薊門，路當趙郡逢許。薄日莫停驂，古槐
下高歌為倒黃金樽。醉來拔劍忽起舞，丈夫何日方
酬恩。狂風颯上草木動，黃塵萬里關塞昏。太守舉觴
向天白，暫邀明月照。今夕須臾東海揚，清輝仰見層
臺出。紫陌青衣扶我試一登，蒼茫霧靄橫丘陵。取統
築此昔望漢，遙占王氣乘時興。攀龍鱗，附鳳翼，中原
陸沉多努力。金馬銅駝在荊棘，英雄感遇貴知己。肯
向他人借顏色，君不見漢天子重武功，輕儒術。喪亦
不可久，時亦不可失。玉門關外無人行，書生慷慨欲

投筆久新亦不可
衡漳西來過太行
東流直下搖扶桑
河邊楊柳萬絲
綠行人到此傾離觴
離觴不傾復
尔息何似使君情
更長君不見昔年為政說
吏起為民治渠闢田里至
今遺廟走村翁社鼓
深林薦簋簋又不見
西門豹沉女巫逋
亡千里歸樵蕪如何
父老匿草莽卻憐河伯
為鰥夫使君往歲來
治相一時狂狡神俱喪
四野長謠雞犬清
千年意氣相期望
左右偏譽阿大夫干城
二郊成虛誑底事長沙去
賈生不道雲中無魏尚
聖主憐才過漢文
拊髀何用思名臣
一朝微去形墀
裏功成始識英雄人
由來世事若流水
淒其滿眼亦已矣
酒酣拔劍為君舞
一擲大山輕鳥羽
日莫行人不可留
馬上相看泪如雨
君不見韓陵山一杯
高下亦不可收
上亦不可樵
阮無王屋萬仞之巖
業又無太行千里之
迢遙山花燁上照
今古不與凡隴同
寂寥豈是神靈世
阿護人物

山川各有遇韓陵之上片石存而剝風吹臨廣路為
是韓陵始得名諸山城外失縱橫秋盡浮雲一出沒
春來草色常青上鄴中循吏得陳寶夕問瘡痍盡稼
穡督郵不許驚鷄犬赤子從教富衣食况復連年苦
征戰丁壯輸征老疾疫沃土相看盡勢豪良農不恥
充臧海上鯨鯢鼓怒潮雲中獫狁摧堅壁芻糧飛輓
何由停鋒鏑如山那可息使者只今坐調兵度支此
日催輸麥智謀之士徒扼腕眼前誰能出奇策陳侯
陳侯聽我歌古來國命民為脉願將忠愛格天心重

起韓陵一片石

送田郎中子仁督餉朔方

漢將教出塞匈奴失河南邇來二千載百戰苦不堪
大夫當國計况值歲周敵健兒望一飽糗糒不相繼
窮荒雨雪頻一冬幾晴霽風尖面如割冰厚馬蹄脫
驅兵夜渡河月下戈相撥儒生料機先康濟諒獨全
連營八百里飛輓能周旋陽春亦已到虜騎亦已還
寄語趙克國沿邊須募田

前輩陳比部惟鉉謫光州別駕忠愛受謗貧

不能歸民懷其惠留居郡中廿年於茲慨然
嗟上宛立翁造命一何迫蚤登黃金臺獨抱經世策
作士民不寬教竒自窘厄宦跡復淮西寄此春申宅
豈務繁牘勞棠陰遍阡陌誰謂憤上徒而能病即墨
罄橐無一錢此自竟何通報施自有常乾坤邇來窄
輿情屬黔首攀轅多戚惻卜築城南隅流光易拋擲
草沒編蓬戶花深懸罄室高卧日將午繩抹抱双膝
靜讀羲皇篇翻然識損益當時氣焰人轉眼皆狼藉

庭院今萋萋胡勞苦輶輳豈無程公貴交情在瞬息
牽狗上蔡門悠上可自得我因避亂過與君聯鄉邑
下馬入窮巷相對成嗚咽所潤春水平雲低暮雨黑
去上河海濱駕言釣鰲客化日天道還不見于定國

將至光州雨中遇周別駕
川途迢上遇周郎執手相看為感傷三世立朝同苦
節五年枝節尺空囊兵連江左家書斷雨阻淮西客
思長共此天涯一樽酒佩刀今日說王祥
章世芬自越來訪馬光州逢子旅次

策蹇南來自海濱
旅中相對益情親
三江路阻君今至
四海交疎我自貧
向歆臺邊虛草澤
闔閭城外足風塵
相知尚有淮西守
不遣他鄉更問津
東謝釣州禹州
鷄犬蕭條四境殘
孤城一片草漫上
穎川在昔民猶古
黃霸于今治亦難
落木秋聲愁轉切
空庭月色坐來寒
共論吳越仍多事
相對悲歌夜欲闌
立秋日去釣投鄴
留別新昌王殿下
新秋一葉下萋萋
有客他鄉賦七哀
浪跡欲援黃帝

穴放歌猶憶魏王臺
風塵落上愁多病
天地茫茫老不才
自昔淮南招後小
山河日復歸來

寄懷袁荊州絕之

客舍西風感別離
天涯回首不勝悲
浪遊我獨迷三絕
卧治君還有四知
雨暗梁園人去遠
雲深楚澤雁歸遲
何時夢入巫山峽
為借巴江滌酒危

寄懷周憲副少魚時歸莆陽

穎水凝寒月上遲
天涯無那動遐思
佳君尚憶周公瑾
避地誰憐顧凱之
南國風塵驚往日
中原花鳥滯

歸期星霜幾度看長劍會合延平末有時
醉不覺中秋過天雄同謝茂秦集王郎中元美舟中

夜半至館陶別去

平隄煙柳莫蒼上相對吳歌即故鄉百戰東南愁轉
劇幾年漂泊話猶長樽搖緩夜波如練簾捲中秋月
似霜樽酒論交共王謝醉來分手亦沾裳

再過廣平縣定時申幼川為申

牛室名初振三秋政益新吏閒庭樹合訟簡署雅馴
心跡追劉寵功名及賈臣我來時下榻樽酒放歌頻

宿白勝寺贈靜上人

燈傳靈鷲遠雲鎖法門重簷敞風生榻底虛月在松
夜深鳴亂折天外落清鍾相對支公話塵緣愧此逢

遊巖陵洞

洞去南召廿里高千尺無磴可上遊人投
巖散未盡崖而升熊別駕士勉在邑恐中匿鬼物遣
瘴婦人舉人追遺一劍賦詩酬之

子陵高潔士宿有巢由風山徑轉千折洞門汲幾重
一從故人貴舊隱遙無蹤蹊沒春草繁囷迴秋雲封

我非極上者離群塵鞅中十年學立期千里尋冥鴻
人去名不死山在靈自通捫揜上石壁躡履如御風
靡敵入寥廓轉折莫可窮竇邃匿怪物泓虛著毒龍
蹴踏未敢前狐疑生倥惚忽逢使者至別駕心何雄
借我斬此劍所向無前鋒燒炬縱竒觀穴竅多玲瓏
入卑如賦隧升高如騰空大者凌王屋小者窺耶箇
勝跡信天造覩形由鬼工浪傳公輸子不齒阿房宮
歸來倒玉壺行吟過前峰劍在無以報為君掛空同
次汝南李大夫文極見過話舊

我昔在襁褓夫子宰吾邑訟簡公庭閒父老無憂色
美哉泰伯卿允矣闔閭國悠上四十年赤子非疇昔
沃野飛黃塵高城慘白日海戎樓千里師出若無律
殺氣殊混清陰風太蕭瑟閭閻醉人少草莽枯骨積
海上未偃戈收功竟難弋自憐縫掖儔中原久為客
昔者過汝南暫止牛醫宅元禮本通家龍門在咫尺
何意長者來相與話深夕淮水浩不休崧山高無極
酒酣發長嘆明朝又南北

西出陽翟門蕭然立平蕪修林鬱蒼蒼中有高墳孤
道傍問父老云是軼里徒氣高重諾劍決雄千夫
仲子亦何息袞累亦何辜踏命荅知己不惜輕捐軀
我來一吊古原上空踟躕壯士不可見落日悲寒鳥
過蘭陽縣宅訪溫韞甫呈林明庭思忠
近得燕中信聞君秋渡河琴堂下孤榻酒市幾高歌
吳地兵戈後梁園雨雪多相知有茂宰還迎故人過
趙王賜宴陳司理景章園同鄭伯誠張良玉
鄭中伯方景孟作

平樂錦筵張追隨七子傍孤城來暮色萬木改秋光
雲外歌鍾度風前舞袖長陳遵夜投轄乘月更飛觴

寄懷姚兵部景芳

疎雨別河梁高秋拜職方檄兵驅虜盡獻策見君長
上國來寒鴈西園下蚤霜有懷宵不寐天遠月蒼蒼
挂冠何太早千里挹清風道在期無用才全卻上功
見幾疏太傅執義狄梁公老傍林泉下生當天地中
暮雲歸白鶴秋氣入丹楓相約尋巢許追隨穎水東

暮雲滿寄懷馬憲副國華
車騎向東方經時憶馬良簿書還自厭軒冕獨相志
客旅投盟久關河別意長歷城無枳棘鄴地有甘棠
漢幟懸秋日吳鉤掛曉霜江淮雄表裏海岱列金湯
六郡兵非昔三齊賦不常推誠惟郭伋更化在蘓章
羸馬今南去冥鴻又北翔知君虛舊榻千里念踈狂

寄懷一陽子鄭伯誠

孤雲飛北極老子任高蹤懷璧還推重辭金亦可宗
壯心今去盡鄉思日來重款乃剡溪權蒼茫秦望峰

索居時隱几幽興日扶筇道在惟黃石丹成自赤松
獨歌燕市月不寐鄴城鍾迢迢應相感懸瓠信有從

寄王憲副元美

齊東古稱霸吳下久徵兵防禦應無倦艱虞信不輕
向人多鑑藻隨事有衡平陝氣三千客軍容七日城
清霜肅開府曉日上飛旌地控江淮迥樓高海岱橫
宦游能壯志吾許老浮生求舊惟朋好憐才不世情
虞卿猶在趙荀子欲投荆定憶西南客征鴻一寄聲

一平韻鄒子序吳近仁過鄴見訪

二子歸南國相逢慰客居樽前論舊事燈下寫鄉書
風雨三秋盡江淮有戰餘吳歌轉悲切涼月滿庭除
余當髫鬢日君向帝城遊就祿三千里辭家四十秋
多才疲歲月有子愧箕裘後會應難定相看涕泗流
飛蓋梁王館拈括宋玉樓春憐狂客醉晚愛主人留
千里在明月十年還遠遊悲歌餘慷慨揮袂拭吳鉤
皆宋山人客樓上

同李季仁夜泛丹江
桂楫泛晴川鷺鷥去復還壺觴浮海月簫鼓破江煙
遠水蒼山合中流白練牽渡頭燈火集應識李膺船
遊白崖上香巖寺

性僻山川勝迢迢訪梵天榜人舟水渡馬首白崖巔
古殿慈雲裏疎鍾法雨邊老僧忘世事為我欲逃禪
都門逢周一之過崇國寺清上人房話舊初

聞定昏鍾

復此同禪榻吳門昔有盟相逢十年事共醉一朝情

故國頻烽火中原獨友生
夜爨猶從席霜月起鍾聲
汝南逢龔近道

近道為任邑今以愷悌左遷今任崇府紀

官舍蕭條對古槐十年遊宦此徘徊
艱難自信陶潛志放逐誰憐賈誼才
故國風塵双鬢改異鄉花鳥一樽開
僊舟定約江南去兵檄驚心海上來

東郡別鄒子序入鄴

送君漳浦嘆離睽此地相逢手重携
蹈海魯連非為

趙談天鄒衍尚晉齊
高樓倦依寒雲斷長缺悲歌曉
月低何日扁舟尋舊隱
放歌同泛越來溪

送黃君玉二首

萬里孤舟下七閩
長途風色慘離人
雲連海嶠時回首
雪暗江天數問津

二

三江秋盡雨淒淒
遙望歸人驛路迷
紅葉滿天山兩岸
征帆一片暮雲低

端陽日留別羅山嚴丈平陽郭生

逆旅端陽餞祖筵海榴花簇更堪憐孤高豈謂嚴光
老游俠難逢郭解賢湖海頻年勞羽檄乾坤滿眼只
風煙明朝共爾天南北不盡離歌一愴然嚴入山阿
元日登汝陰麗譙

一杯春色泛葡萄醉後凌虛興益豪晴雪半消山色
迥凍雲初散鶴聲高兵連海上家何在書斷天涯首
重搔欲賦陽春懷宋玉窮愁無暇續離騷

雪後登鄴城樓懷新昌王殿下

雪盡高樓萬里天客裘凋敝思妻然梁園尚未來枚

叔鄴下寧能老仲宣樽酒自傾春欲動梅花不見月
空懸無由縮地供詞賦錯憶山陰夜放船

白雪歌寄上趙王殿下蕩陰道中作

北風一夕卷地來黃葉落盡高林摧莫雪遙連瓠子
渡寒雲低鎖文王臺珠簾凍斷繡幃薄貂裘不溫覆
狐貉王孫暖閣多品題客子窮途苦寥落淇水不流
寒色凝朝來忽結三尺冰惠連賦逸正難續王粲樓
高胡可登翻憶明月曾應教飛觴往匕推梁孝醉後
深慙下里歌醒來欲鼓山陰棹此去應投漢沔東楚

天漢上歸冥鴻邱中更闕陽春曲他日流聲到雪宮
狂客於今似禰衡自逢北海漸知名世情滿眼皆黃
祖歸去春江采杜蘅
薛公好客若為情魯仲寧忘海上遊何事虞卿猶在
趙著書無計脫窮愁

鄰生一見即隳兵俠客千年氣未平我欲東來尋故

事知君先已吊田橫

四

聞說三山海上頭鈎鼉誰共使君遊春來擬到蓬萊
閣遙看仙人十二樓

送盧柎遊金陵四首

仙帆一片下迴瀾醉聽吳歌子夜寒何處雪消春水
至巴江萬里正西看

二

詞客風流白下過鍾山回首鬱嵯峨只今王謝烏衣

巷燕子飛來春草多
山田竹樹幾秋風
古今王機隱居

三

江海誰知客子心
落帆何處一登臨
鳳皇臺上暮雲
合燕子磯邊春水深

四
蘇州遊金刻四首

龍蟠虎踞舊江山
雲物蒼茫六代間
春到長干花萬
樹醉歌騎馬月中還

寄龔憲副性之三首

去年西渡沔江濱
文選臺前一見君
把酒月明聞楚

調坐中時落峴山雲
山時歸日夕
暮秋回對草初青

二
寄于鱗

東城月出亂鴉啼
記得乘秋過大隄
一帶漢江橫素
練楚童高唱白銅鞮

三

襄陽城外訪叢祠
歇馬曾看墮淚碑
獨有使君情最
古年來幾過習家池

寄于鱗二首
時關中提學致仕

西望函關千里餘
青牛曾駕伯陽車
一從尹喜求丹

訣脫屣東歸著道書

二十下 二首

終歲裁祥未易論
登臺凝望一銷魂
亦知八俊皆星散
元禮歸來只杜門

寄潘別駕時乘

曾傳紫禁草黃麻
一別長安幾落花
我欲因君問賈傅
不知何事到長沙

同侯子過河

君遊北海我瀟湘
羸馬相隨且大梁
好向旗亭醉春

酒黃河南岍柳條長

送陳太守入關觀

五馬翩上驛道長
百官重見漢明堂
即今天子開皇極
千載垂衣御建章

武侯像

吁嗟漢造遭陽九
狐鼠跳梁較勝負
姦雄不肯棄鷄肋
帝胄難教處牛後
為劉氏者惟孔明
金甌剖分足形留
神便使木為馬
得意還驅石作兵
天道茫茫未可度
不因成敗見謀畧
時來千古稱伊周
事去終

身慕管樂五丈原頭秋夜風祁山營壘朝來空魯人
西狩麒麟死仲尼捲袂悲道窮
君不見并州北連蘓武城未交七月涼風生匈奴結
東逞長技夜來較獵飛狐營馬上翻身轉顧盼彎弓
連射南來鴈漢軍未到白登山虜騎先過木瓜澗頻
年廷議重防秋今歲天驕偏久留上谷草肥春牧馬
雲中釋盡日推牛攻圍入夏猶未已四郊多壘誰獨
耻重臣節制無能為廉使聲名自此始楓樹凋傷霜

滿林郊原回首何蕭森邊雲千里晝無色海氣半空
時作陰丈夫拔劍一起舞聖主猶龍臣猶虎中興
只說周宣王太原須有仲山甫柔亦竟不茹剛亦竟
不吐君不見共工積憤觸破天還待女媧煉石補

漢濱老人憩

老人為戴源

老人行年八十五自言生長蘓州府林屋洞邊是我
家不敢向人談舊譜少年十五二十時恒產豐佚饒
餘貲正當憲廟全盛時黎民無事安樵蘓遠從乃翁
治生理南涉湘潭北漢水一年得意復一年不知禍

患竟誰起只從孝宗遊天堂貂璫得勢傾廟廊職
官用幸即富貴寧按高祖舊紀綱為是民心盡敲
棘臨歧不容措手足吏胥猛似羅刹鬼官府嚴於阿
搏獄况值連年秋不登誅求無厭百許興肯忍舍身
便喂虎也須割肉先飽鷹家私一日少一日比隣十
家空九室秋來未嘗今歲糶冬盡又與明年糶穿鑿
不已山亦傾負土難填無底坑貲財倍盡及田舍留
得此身還受荆可憐血肉遭捶楚出世何曾被辛苦
處青山堪采樵脫身暫免魚遊釜一朝五湖駕孤

航片帆千里投鄖陽教畝荒蕪勝玉粒半江清水過
瓊漿羸軀蚤夜動息作五十年來甘淡薄曾聽計議
設府官又見紛更添縣學自嫌命孤得子遲遠膝奔
走三男兒眼前差役增數倍窮谷深山亦不支老人
自幼少思村頓覺年來坐不穩夜上張燈迎上司時
上執杖候都閩天道流行到處貧事去非關我一身
來時只討山居靜過後方知土俗淳乘賜懇盡更一
語歸去尋吾舊處所此地移來三十家晉天之下知
幾許我昔來時君未生君來月餘辭君行江頭灑淚

逐波去一滴愁腸萬里情

同冉謝李三士小集金山卷

日暎山色佳漢川漾碧落挈壘喚三士叩禪酬宿諾

竹戶環蒺藜草堂敞林薄嗽疊起層榭虛虛俯陰壑

倦鳥双上下周葉頻上落淡靄浮天空輕煙帶山脚

老僧談白馬幽人教青雀意閒放高吟興到成深酌

出庭上前屋轉磴入西郭歸去星熒上寒館增圍莫

遊栖真洞

城中有崇岡一重復一重甫出北郭門迢迢川融上

下嶺關溪嶽捫崖過東峰鑿山作幽磴刊壁為琳宮

水拈繡石聳晶高白雲封瀰望舟筏小俯臨心目空

久坐酒初至忘情詩自工興來即三匝曲盡聊一鍾

夕陽不可待暝煙結蘿蔥陶然轉西阪允矣成高蹤

贈魏順甫兼懷徐子與王元美二首

良會難再得茲晨當別離對酒忽不樂歲上懷所知

昔來燕市歌擊筑為誰悲王郎嫁北海徐君役南夷

齊閩阻中原青天各一涯時乎復齟齬大道逢多岐

蹊違二千日惟子相傾杯執手暮山側停梳清永湄

冥鴻飛且遙錦鯉游何遲行矣望努力功名須壯時
兄弟遍四海中心故難量嗟嗟二三子道里何參商
郢歌自同調見子歡未央重念行路人誰不懷故鄉
萬里自茲去踟躕碧山傍所幸雲錦篇高懸紫絲囊
請為遊子吟桑蓬有餘芳皎上秋月輝馥上蘭茝香
慷慨夫志意悽悵惟肝腸會面未可期願言惜景光
與武當諸君子遊滄浪濯纓亭
羈身積江皋結客展吟眺遠厓墮碧落古亭嵌危峭

楓葉媚早霜嵐氣凝夕照環壑何玲瓏陟磴亦窈窕
空洞俯龍淵咸夷疊鳥道望上斷續長行上翠微到
圭竇護薜蘿瑤臺闕環澳川迴折秦阪鴻落空楚徼
疏岫排高閣對溪艤群權濯纓今何人孺子有餘調
振音橫暮林頽響度秋嶠遷坐開深思飲間起孤嘯
道在瑤液寬興發玉山倒明星霽宵希即日澄江耀
行船坐中流歸與寄遐傲

同伯玉青羊道中遇雨四首
奔流擊萬壑山雨亦太攄迷目皆濕雲馬首竟何處

其二
鳥道未為險羊腸今始艱不知關令尹何事復深山

其三
欲止不能止還從樹底行上到路窮處忽聞流水聲

其四
疎鍾雜雨聲道人在高榭招客解薜衣牽繩掛崖下

雲松卷楊羽士彈琴

白雲經年閉戶赤松今日開關指下霜鍾天籟胸前

流水高山

黑虎崑崙飲泉

絕壁玉虹縹緲深山金齒迢迢未學許由洗耳聊取

顏回一瓢

送章廉使伯允赴山東并訊歷下李于鱗

攬轡新從蜀道回旌旌萬里赴秦臺隩區十二名天

地俠客三千散草萊雲氣曉連東嶽動潮聲時向北

溟來相知舊得龍門李應念天涯老不才

襄王賜宴中和軒醉後應教四首

君王頻賜海犀杯當坐慚無宋玉才最愛郢歌聽不

盡白雲飛過峴山來

二

鑄山煮海竟誰強
帶礪河山日正長
獨向穰生勤薦醴
令人偏憶楚元王

三

內使傳來晚賜瓜
堦前玄鶴舞風斜
深庭萬木餘殘照
繞戶千山戴落霞

四

風度珠簾控玉鈎
一杯一曲共遲留
日晡傳語賓休

散更向西園秉燭游

董子才奉使勞軍雲中寄贈三首

千里勤王出漢關
單于猶困白登山
不知若个生奇計
分得黃金奏凱還

五

遙傳內帑過雲中行
賞頒先第一功
驟騎祇知來出塞
奉春還自議和戎

六

禦戎自古無奇策
富國於今况復難
歲轉萬金班甲

士不知何日拜呼韓

梁甫吟

朝過隆山中小憇抱膝石浩歌梁甫吟古檜倚獨客
君不見管仲亡犇囚士官故人片言傾齊桓葵丘高
會列侯至束牲載書天下安當時鮑子獨知我不與
腐草同凋殘君不見昭王高築黃金臺樂毅千里從
趙來東拔齊城七十二臨淄宮闕空草萊如無郭隗
談駿骨英雄埋沒俱塵埃我欲御風叩天闕九關迫
遊何由達垂雲八翼空翻飛閻人與我偏契濶龍鱗

頸下不可攀虎鬣口上誰能埒太行騏驥悲垂頭墜
下鴛鴦受蜀秣酒杯到人風波生坐上聞之俱蹙額
賈誼長沙竟莫歸梁鴻東海何由拔古來君臣亦無
數先主武侯最知遇雲龍魚水起一時霸王功業定
疇素亦知吾兒不可輔丈夫焉肯倍三顧隆準龍顏
猶莫容長頸烏喙良足懼藏牙豈謂無蜚鳥烹狗誰
云死狡兔不知二桃竟何物頓令三士^赴丘墓排山有
力輕鴻毛絕地無雙蹄薤露至今遙望齊東門道傍
傍古塚纍上存落日蒼涼照草莽悲風蕭瑟吹精魂

晏嬰多智尚如此齊侯垂老胡足論梁甫吟聲感惻
行道之人皆太息白起無能怨范雎翟璜徒爾讓李
克但願君為堯舜臣契稷有田躬耕足吾食鉤亦未
為曲弦亦未為有長嘯一聲天地秋浮雲飛過青山
側
襄陽曲
晚正夫人城荷花滿城下隔溪無人行女郎自騎馬

北游漫稿下終

北遊附錄目錄

送句吳茂才顧聖少北上

趙王

除夕同聖少宿漳河旅舍

東郡謝茂秦榛

正公禪房雪後聖少見過

茂秦

都下送顧聖少還吳

大梁田深甫汝霖

又

痛于主麟聖少聖吳郡人凌雲鵠汝志

又

三公麟聖少聖少三衢徐舉之公遠

送聖少二首

東嶽備黃壽對

新之何聖少麟聖少同郡郭子靜仁

送顧聖少

薛王

聖少同郡王元美世貞

此詩所又曰疑

吳興徐子與中行

又

楚人魏順甫裳

賦得黃金臺長歌行送聖少歸吳門

簡簡聖少自襟聖少香蘭才茂秦

聖少過襄國詩以志別

歷下李于鱗攀龍

鄴下送聖少南還

蒲中方兆之正梁

又

送聖少入燕

蕭中方景孟 浩

送聖少二首

望心此東風轉以去長洲鄭中伯 若庸

聞顧聖少自鄴還吳寄贈長句時在天雄

嘉定張希尹 任

申幼川園亭春雪同將子書顧聖少酌

茂秦

次鄴逢聖少

邑人周一之 同

送聖少還吳

崑山王用藏 珍

送聖少入燕

上黨申幼川 溪

十五夜會王元美衛河舟中同顧聖少賦

送聖少之巴東

送聖少赴鈞臺省兄介臣

送聖少之巴東并訊唐兵憲
茂秦

送聖少之巴東并訊唐兵憲
茂秦

十五身會三
茂秦

雪中聖少景孟見過留酌時聖少景孟言別

茂秦

酬聖少過浮光晉贈

海虞陳惟鉉

穎川送聖少遊鄴

四明謝禹川

送聖少之湖南二首

茂秦

鄴下逢聖少即席有贈

歷下許克之邦才

西谷隱耕園謝趙王宴同顧聖少

武林呂時行世儒

送顧五遊楚三首

黎陽盧少楨

顧五去楚入燕索余作五言絕句得四首

贈五古雙八燕索余歛又江伯玉道昆

贈顧五

送顧五並雙三首

茂秦

贈顧五二首

西石齋持園齋

蘇濮陽翼勝之東德

贈顧五二首

真定宋應元登春

雪夜期顧山人不至

送望之之臨南二首

前人

送顧五重遊大梁三首

前人

送顧詩人赴襄陽汪使君

同郡徐叔明學謨

再贈顧逸人

應元

北遊附錄

再贈薛聖人

同前韻

五言詩八首

前八

五言詩八首

北遊附錄

無津送句吳茂才顧聖少北上

趙王

北去渡漳沈春風一騎過入燕投刺少留題著書多

明月頻呼酒青天獨放歌他時望南國湖上有煙蘿

詩前除夕同顧聖少宿漳河旅舍

東郡謝茂秦

故人同駐濁漳濱冰隔春聲漸可聞星影動搖双劍

合歲華來去一宵分當庭古樹明殘雪何處清鍾落

斷雲若到燕京能幾醉共憐芳草又離群
故人同正公禪房雪後聖少見過

東坡備茂秦

信宿依禪侶留連般若臺攀松意偶爾曝日坐悠哉
雜樹冰花盡諸天寒色開那期乘興客遙為踏泥來
此去武都下送顧聖少還吳

大梁田汲甫汝辣

燕柳搖綠絲燕花爛錦枝長安一樽酒共子話襟期
麝篆嗟新得風塵客久羈故山秋色好松桂正離

又聖少並 蘇詩 蘇詩 蘇詩 蘇詩 蘇詩 蘇詩 蘇詩 蘇詩 蘇詩 蘇詩

郡人凌雲鵲汝志

送別吳門侶天涯嘆轉蓬談天鄒衍似賦月謝莊同
歸懼春風後幽期雲壑中秋來定相憶獨醉菊花叢

三衢徐舉之公遠

倦客時多病堪憐爾獨歸名傳繞一見道在豈終違
驛路衝星發江帆帶月飛知心會有日莫自薄緇衣

送聖少二首

同補遺十韻

送聖少遊

同郡郭子靜仁

蘭門風色送歸鞦御水春光照別筵此去故山多舊
隱一樽明月嘯江天

二

官河春草數離群天末孤峰見白雲翔鴈不來遊子

恨鄉書千里一憑君

送頤聖少遊

同郡王元美世貞

聖少遊 趙即頤與客右一旦拚衣從謝

山人來予甚奇之於行也予以山人約賦

詩贈焉

遊客爭歸趙虞知亦見尋立談双白壁突卻千黃金
解道國恩重誰同交誼深崎嶇依一老流落見餘心
擊筑無燕市悲歌有越吟揖予還拚袖碣石莫雲沈

又

吳興徐子與 中行

何意擔簦客仍從衣褐遊王門投壁過交誼斷金剛
海嶽期長往風塵不自留同舟還李郭飛蓋謝應劉

秋社開天目春帆下石頭隱吳逃姓字入洛昭名流
月上江濤滿山中桂樹秋空憐蟬冕葦蕪市日悠上

又

楚人魏順甫裳

磊落王門客艱危國士思八分傳漢隸一嘯失蘇門
辨已離龍著篇應說劍存秋風生桂樹春雨憶桃源
貧病才難盡疎狂道益尊故園芳草色誰與賦王孫
賦得黃金臺長歌行送聖少歸吳門

茂秦

君不見黃金臺高逼天至今猶說昭王賢易水東流
舊事歇落日慘澹迷山川聖朝淪沒幾豪俠非復戰
國縱橫年風塵羸馬死且鞭壯心未肯耕湖田著書
已留趙負劍仍遊燕功名身外祇杯酒敵裘捫虱豪
貴前醉來高論河倒懸不拘細故人疑顛時無拘監
竟歸去相別野亭春水邊我欲折楊柳上絲不可牽
我欲采綠蘋上花不久妍託憑明月送千里大江夜
照東吳舡又不見老蚌抱珠藏九淵含光護落能自
全我亦同懷感今古相期高蹈三山巔海鶴傳書謝

朋輩白雲無迹天茫然
願高臥三山巖
東吳聖少過襄國詩以志別
落魄看君旅食年
風塵裘馬竟誰憐
歸吳擬著潛夫論
入洛還携贈婦篇
少室夏雲憑檻外
大河秋色掛帆前
故人為客遙相念
垂老浮名薊北天
阿蘇新鄴下送聖少南還

留滯漳南嘆二毛
憐君愁思對蓬蒿
一樽共取王門

醉千里誰知客計勞
詞賦有神仍白屋
風塵何事只青袍
三吳到日春花發
寂寞山扉臥正高

又

蕭中芳景孟浩

才華誰識吳中彥
落日風塵意氣存
萬里辭家走京邑
幾年為客滯王門
江天細草驪駒遠
驛路垂楊黃鳥繁
別後幽期不可定
且同花下倒芳尊

盡興送聖少二首

西平公入西園
長洲鄭中伯君庸

兩年燈火共西園此日相違詎忍論
迥上一樽情不盡愁看去馬隔孤村

海上風塵未息機漳南樓泊尚無期
他鄉送遠多愁思不離離鷓亦自悲

聞顧聖少自鄴還吳寄贈長句時在天樞

嘉定張希尹任

有客鳴鞭下鄴臺西風衰草去程催
北門鎖鑰非吾守滄海驪珠惜爾才
驛道雪殘人跡少關河月冷鴈

聲哀此行須憶建安賦莫負西園花正開

中幼川園亭春雪同張子書顧聖少酌

茂秦

睡起秋藜初出門盈襟積雪朔孤村
拼曙猶疑月色在入春忽見梨花繁
平子多愁况今日辟疆為客思舊園
何意主人苦投轄高歌復到黃金樽

次鄴逢聖少

邑人周二之同

鄴下逢君日天寒雪正飛賦因晉
婦子土杯與故人

揮南國方秋戰中原復歲饑去晉俱感慨相對一沾
衣

送聖少還吳

蘇州何處士入等詩高峴山王用藏珍
晚風吹去馬之子賦歸與衛柳三春後京塵十載餘
兵戈頻客夢湖海只鄉書為報同懷侶天涯久索居

送聖少入燕

中州何處士入等詩高峴山王用藏珍
綠鬢事遨遊吾憐顧虎頭客程惟瘦馬自世一輕鷗

草蒲薊門路花明燕市樓無心謁許史時復看吳鉤
十五夜會王元美衛河舟中同顧聖少賦

茂秦

王郎乘舸下回灘相送清樽此盡歡客路艱虞知己
在老年離合定期難月光初上孤帆落秋氣平分萬
木寒後夜登樓嘆圓闕蒼茫北斗是長安

送聖少赴釣臺省兄介臣

論衡當代有王充非復吳門舊阿蒙白壁在懷驚氣

茂秦

色黃金隨意見英雄天低鄴下長秋樹霜落淮南古
桂叢曾笑劉安著鴟寶鶴鷄今日急難同

送聖少之巴東兼訊唐兵憲

茂秦

冰霜走馬心獨雄西盡關山間斷鴻故事還應問楚
老狂歌聊復隨巴童黃牛峽動晚帆外白帝城開春
樹中知己相逢一說劍當樽寒色來天風

雪中聖少景孟見過留酌時聖少景孟言別

茂秦

有客訪來安論文老去難巷深三日雪門閉幾家寒
偃蹇成吾病蕭條逼歲殘江天春萬里欲別醉相看

登蘇州酬聖少過浮光留贈

今非吏部知蘇州之海虞陳雅鉉錢重一言

相逢寄送旅相別各天涯楚國山川異吳門道路賒
青樽俱有賦白首獨無家為問鄉關事煙塵共爾嗟
穎川送聖少遊鄴

四明謝禹川淮

送客西園去黃花秋正開醉臨銅雀觀賦擬鳳皇臺

桂樹入秋榮攀遊此日情鄴臺原勝地趙瑟豈繁聲
授簡同枚叔論文對賈生君王今下士不數建安名
春山送行子春草惜離觴不盡孤雲意徘徊古道傍
望上荆門曉悠上鄧樹蒼此中蒲歌咏逢爾寄江鄉
送遙巫山陽曾行神女節君今從此過已見采雲疲
蕨蕨搖草芳窈窕翠華結為我一致之沉念紫煙別

三

君作楚鄉客我為吳會吟別離在造次杯酒更相斟
鳥逝蒼江浦猿啼楓樹林歲茲無限意引領各霑襟
言真不顧五去楚入燕索余作五言絕句得四首

歛人汪伯玉道昆

入鄧不聞歌翻然促征馬所貴知我希無嗟知者寡
渡口木蘭舟自來還自往君心儻不忘漢水未云廣

詩云三三草草山當山白豈不歸美哉

贈君芙蓉裳耶以當狐白狐白豈不溫芙蓉有芳澤
君抱然諾心睚眦堂世士擊筑為誰歌荆鄉在燕市
含真不易見誰謂長康癡對月秋多感觀星夜獨知
身濼河朔酒興寄鄴中詩坐使貂裘敝相逢狗監遲
贈顧五二首

濮陽龔性之秉德

西風一夜曉雲涼有客翩上入楚疆坐鎮真慚羊叔
子論文卻喜顧長康丰標近帶崧山秀藻思新添漢
水香莫向王門彈寶劍好將詞賦獻明光立秋后一

贈顧五二首
輪材舊是吳中彥伏劍新從鄴下來豈學穆生遊楚
苑還因郭隗上燕臺憂時直欲陳三策送旅誰憐賦
七哀萍跡相逢須盡醉與君同泛習池杯

真定宋應元登春

顧况詩才健悠上湘漢間清琴留我發長鈇為誰彈
謾賦恩歸引休嗟行路難海門烽未息遮莫下長干

蘇詩書又吳中長安隨漢武樓下東堂學對玉盤餐

翻上佳公子千里出無車袖裏白猿劍懷中黃石書

談笑三軍卻交遊七貴疎梁園倘受簡還肯薦相如

小音莫雪夜期顧山木不至歸謝君西去立身一

千篇文何事醉身氣千新正帶雪山前人

凍合漁樵路扁舟夜不來江頭寒雁滅城上饑鳥哀

寥落尋仙客偏憐作賦才明朝風日好竹下且深杯

送顧五重遊大梁三首

得勝春和四合晴和雪全入酒前入

魏王臺上草紛上落日中原低暮雲匹馬浪遊孤劍

在酬恩惟說信陵君

二

何項翁孫

汴水東流接大河曾經帝里問銅駝春風三月旗亭

酒落日夷門一放歌

心適如三畫其二百首既尚帶不果許之西村

沙塵風起晝冥上二月黃河尚帶冰桑柘夕陽村店
路同誰走馬弔韓陵

送顧詩人赴襄陽汪使君

同郡徐叔明學謨

憐君歲晚欲何之禪榻隨緣易別離匣裏獨瞻龍劍
氣山中應慰鹿門期天涯到處晉心賞石路無塵上
髣髴幕府如今誰好客令人卻憶峴山碑

再贈顧逸人

吳門豪客美且都十年囊劍遊於廬黃金百鎰俱散
盡方衫皂帽行長途江陵帝子愛敬客旋遺裘馬驅
胡奴花前醉草三都賦時後常懸五嶽圖轉眼看天
爾何有回頭大笑滄洲孤而今恐有聊城急還留一
隻金僕姑

吳門豪客美且都十年囊劍遊於廬黃金百鎰俱散
盡方衫皂帽行長途江陵帝子愛敬客旋遺裘馬驅
胡奴花前醉草三都賦時後常懸五嶽圖轉眼看天
爾何有回頭大笑滄洲孤而今恐有聊城急還留一
隻金僕姑



其述前疑為



雙金對林

爾阿育四國大英...

陸必非商細草三...

畫方孫皇...

吳阿象...



